



Broj: 05/1-50-13-26-35-3/17
Sarajevo, 28.8.2017.

ZAPISNIK

35. sjednice Nezavisnog odbora Parlamentarne skupštine BiH

Sjednica je održana 28.8.2017., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OPRAVDANO ODSUTAN: Mato Jozić, drugi zamjenik predsjednika Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 35. sjednicu Nezavisnog odbora Parlamentarne skupštine BiH.

Nezavisni odbor je, uz izmjenu redoslijeda tačaka dnevnog reda, u odnosu na onaj koji je naznačen u pozivu za sjednicu, u smislu da tačka 5. bude tačka 1., koju je predložila predsjednica Nezavisnog odbora Tatjana Klječanin-Martić, jednoglasno usvojio sljedeći:

DNEVNI RED

1. Obavještenje o imenovanju članova Nezavisnog odbora, broj: 01,02-50-14-388-4,4/17, od 24.7.2017., i broj: 01,02-50-14-849-4,4/17, od 24.7.2017.;
2. Usvajanje Zapisnika 33. sjednice Nezavisnog odbora;
3. Usvajanje Zapisnika 34. sjednice Nezavisnog odbora;
4. Razmatranje Izvještaja o posjeti članova Nezavisnog odbora Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH;
5. Odgovor Direkcije za koordinaciju policijskih tijela BiH na postavljeno pitanje člana Nezavisnog odbora Ljubomira Kuravice, broj: 20-07/1-02-1294-1/17, od 20.7.2017., a zaprimljeno u Pisarnici Parlamentarne skupštine BiH 24.7.2017., broj: 05/1-02-1-1809/17;
6. Tekuća pitanja.

Ad.1. Obavještenje o imenovanju članova Nezavisnog odbora, broj: 01,02-50-14-388-4,4/17, od 24.7.2017., i broj: 01,02-50-14-849-4,4/17, od 24.7.2017.

Predsjednica Nezavisnog odbora Tatjana Klječanin-Martić istakla je da je Parlamentarna skupština BiH Odlukom o izmjeni Odluke o imenovanju članova Nezavisnog odbora kao nezavisnog tijela policijske strukture BiH, broj: 01,02-50-14-388-4,3a/17, od 19.7.2017., i Odlukom o izmjeni Odluke o imenovanju članova Nezavisnog odbora kao nezavisnog tijela policijske strukture BiH, broj: 01,02-34-1-1590/17, od 19.7.2017., imenovala Tatjanu Klječanin-Martić za predsjednicu Nezavisnog odbora i Vladimira Jurišića za člana Nezavisnog odbora, te da je Nezavisnom odboru dostavljeno obavještenje o tome. Obavještenje je primljeno k znanju.

Ad.2. Usvajanje Zapisnika 33. sjednice Nezavisnog odbora

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je kako je, u skladu s dogovorom članova Nezavisnog odbora s 34. sjednice, usvajanje Zapisnika 33. sjednice Nezavisnog odbora odgođeno za 35. sjednicu Nezavisnog odbora i da je prijedlog da prilog ovom zapisniku bude audiozapis sa sjednice, te je otvorila raspravu.

Za riječ se javio član Nezavisnog odbora Ljubomir Kuravica koji je naglasio da i dalje ostaje pri stavu da se u Zapisniku 33. sjednice preciznije obrade određene teme razgovora s rukovodstvom Direkcije za koordinaciju policijskih tijela BiH.

Dalje u raspravi o ovoj tački dnevnog reda prvi zamjenik predsjednika Nezavisnog odbora Enes Obralića naglasio je da ponuđeni tekst Zapisnika 33. sjednice nije bio prihvatljiv na 34. sjednici te predložio da prilog tom zapisniku bude audiosnimak, a u svrhu autentičnog prikaza onoga o čemu se razgovaralo na samoj sjednici.

Član Nezavisnog odbora Vladimir Jurišić istakao je da on kao novoimenovani član nije u mogućnosti da se izjašnjava o predmetnom zapisniku dok ne presluša audiozapis sa sjednice.

Dalje u raspravi su učestvovali svi članovi Nezavisnog odbora, nakon čega je jednoglasno odlučeno da se usvajanje zapisnika 33. i 34. sjednice Nezavisnog odbora odgodi za narednu sjednicu, s obzirom na to da je potrebno da do tada novoimenovani član Nezavisnog odbora presluša audiozapis predmetnih zapisnika.

Ad.3. Usvajanje Zapisnika 34. sjednice Nezavisnog odbora

Kako je i navedeno u prethodnoj tački dnevnog reda, usvajanje Zapisnika 34. sjednice Nezavisnog odbora odgođeno je za narednu sjednicu.

Ad.4. Razmatranje Izvještaja o posjeti članova Nezavisnog odbora Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da su članovi Nezavisnog odbora: Enes Obralića, prvi zamjenik predsjednika, Nikola Džambas i Ljubomir Kuravica 13.7.2017. posjetili Direkciju za koordinaciju policijskih tijela BiH i razgovarali s rukovodstvom, o čemu je sačinjen i pisani izvještaj. Pozvala je članove Nezavisnog odbora koji su posjetili ovu policijsku agenciju da ukratko usmeno informiraju ostale članove Nezavisnog odbora o predmetnom sastanku, te otvorila raspravu. Nakon rasprave, Izvještaj o posjeti članova Nezavisnog odbora Direkciji za koordinaciju policijskih tijela BiH, uz određene izmjene i dopune, jednoglasno je usvojen.

Dalje, predsjednica Nezavisnog odbora Tatjana Klječanin-Martić istakla je da su članovi Nezavisnog odbora: Ljubomir Kuravica, Ilma Mehić-Jusufović i Mate Miletić 19.7.2017. posjetili Državnu agenciju za istrage i zaštitu i razgovarali s rukovodstvom, o čemu je

sačinjen i pisani izvještaj. Pozvala je članove Nezavisnog odbora koji su posjetili ovu policijsku agenciju da ukratko usmeno informiraju ostale članove Nezavisnog odbora o predmetnom sastanku, te otvorila raspravu. Nakon rasprave, Izvještaj o posjeti članova Nezavisnog odbora Državnoj agenciji za istrage i zaštitu jednoglasno je usvojen, bez primjedbi.

Također, predsjednica Nezavisnog odbora Tatjana Klječanin-Martić istakla je da su članovi Nezavisnog odbora: Mate Miletić, Adisa Begić i Ljubomir Kuravica 26.7.2017. posjetili Graničnu policiju BiH i razgovarali s rukovodstvom, o čemu je sačinjen i pisani izvještaj. Pozvala je članove Nezavisnog odbora koji su posjetili ovu policijsku agenciju da ukratko usmeno informiraju ostale članove Nezavisnog odbora o predmetnom sastanku, te otvorila raspravu. Nakon rasprave, Izvještaj o posjeti članova Nezavisnog odbora Graničnoj policiji BiH jednoglasno je usvojen, bez primjedbi.

Ad.5. Odgovor Direkcije za koordinaciju policijskih tijela BiH na postavljeno pitanje člana Nezavisnog odbora Ljubomira Kuravice, broj: 20-07/1-02-1294-1/17, od 20.7.2017., a zaprimljeno u Pisarnici Parlamentarne skupštine BiH 24.7.2017., broj: 05/1-02-1-1809/17

U uvodnom dijelu predsjednica Nezavisnog odbora Tatjana Klječanin-Martić istakla je da je prilikom posjete članova Nezavisnog odbora Direkciji za koordinaciju policijskih tijela BiH 13.7.2017. član Nezavisnog odbora Ljubomir Kuravica postavio pitanje rukovodstvu Direkcije za koordinaciju policijskih tijela BiH o mogućnosti prijema zaposlenika u Direkciju iz drugih policijskih agencija u BiH, a u skladu s članom 5. stav (2) Zakona o Direkciji za koordinaciju policijskih tijela BiH i agencijama za podršku policijskoj strukturi BiH i zatražio pismeni odgovor. U vezi s tim, Direkcija za koordinaciju policijskih tijela BiH dostavila je Nezavisnom odboru odgovor - Mišljenje u vezi s članom 5. Zakona o Direkciji za koordinaciju policijskih tijela BiH i agencijama za podršku policijskoj strukturi BiH, broj: 20-07/1-02-1294-1/17, od 20.7.2017., a zaprimljeno u Pisarnici Parlamentarne skupštine BiH 24.7.2017., broj: 05/1-02-1-1809/17. Predsjednica Nezavisnog odbora Tatjana Klječanin-Martić otvorila je raspravu o ovoj tački dnevnog reda.

Za riječ se javio Ljubomir Kuravica, član Nezavisnog odbora, koji je i postavio pitanje, te istakao da je dati odgovor - mišljenje u suprotnosti sa Zakonom o Direkciji za koordinaciju

policijskih tijela BiH i agencijama za podršku policijskoj strukturi BiH, Zakonom o ministarstvima i drugim organima uprave BiH, Ustavom BiH, te da izvorno tumačenje navedenih odredbi nije moguće zatražiti od Parlamentarne skupštine BiH, kako je navedeno u odgovoru, nego od ovlaštenog predlagača zakona, u ovom slučaju Ministarstva sigurnosti BiH.

Dalje je u raspravi učestvovala većina članova Nezavisnog odbora, nakon čega je predsjednica konstatirala da je mišljenje Direkcije za koordinaciju policijskih tijela BiH primljeno k znanju, ali uz izdvojeno mišljenje Ljubomira Kuravice koje glasi: „Odgovor u formi mišljenja je u suprotnosti s članom 5. stav (2) Zakona o Direkciji za koordinaciju policijskih tijela BiH i agencijama za podršku policijskoj strukturi BiH. Pozivanje na Odluku Vijeća ministara o preuzimanju poslova, objekata, sredstava za rad i zaposlenih između Ministarstva sigurnosti BiH, Državne agencije za istrage i zaštitu BiH i Direkcije za koordinaciju policijskih tijela BiH je zakonom neutemeljeno. To pozivanje se može vršiti samo u skladu s članom 14. stav (3) Zakona o ministarstvima i drugim organima uprave i članom 32. Zakona o Direkciji za koordinaciju policijskih tijela BiH i agencijama za podršku policijskoj strukturi BiH. Mišljenje je u suprotnosti s navedenim zakonom i članom III. stav 1. tačka (g) i članom III. stav 3. tačka (a) Ustava BiH.“

U sklopu ove tačke dnevnog reda dogovoreno je, ako ima prijedloga za postupanje po ovom predmetu, da se oni u pismenoj formi dostave do naredne sjednice.

Ad.6. Tekuća pitanja

U sklopu ove tačke dnevnog reda dogovoreno je da se sljedeća sjednica Nezavisnog odbora održi 11.9.2017. u 17 sati.

Predsjednica Nezavisnog odbora Tatjana Klječanin-Martić zaključila je sjednicu u 19,45 sati.

SEKRETAR
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić